

**Bosna i Hercegovina
Federacija Bosne i Hercegovine
Kanton Sarajevo
Općina Novo Sarajevo
JU OŠ „Grbavica I“ Sarajevo
ul. Grbavička 14, 71 000 Sarajevo**

- Školski odbor -

Na osnovu odredbi članova 108. i 109. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), člana 13. Pravilnika o izboru, razrješenju, nadležnostima i načinu rada školskog odbora osnovne škole, srednje škole, srednjoškolskog i školskog centra na području Kantona Sarajevo („Službene novine Kantona Sarajevo“, broj: 46/24 i 3/25), člana 4. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, broj: 2/18, 32/18 i 30/19) i Odluke Školskog odbora JU OŠ „Grbavica I“ Sarajevo, broj: 996/26 od 04.09.2026. godine, Školski odbor Javne ustanove Osnovna škola „Grbavica I“ Sarajevo raspisuje

JAVNI KONKURS

**za izbor direktora/direktorice Javne ustanove Osnovna škola „Grbavica I“ Sarajevo
na mandatni period od četiri godine**

I - USLOVI KONKURSA

Pored općih uslova predviđenih Zakonom, kandidat za direktora/direktoricu škole mora da ispunjava i sljedeće uslove:

- a) da u pogledu stručne spreme ispunjava uslove za nastavnika, pedagoga, pedagoga-psihologa, psihologa škole u koju konkuriše;
- b) da ima najmanje osam godina radnog staža, a od toga ukupno najmanje pet godina radnog staža na poslovima radnih mjesta iz tačke a) Ovog konkursa ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa);
- c) da ima najmanje visoku stručnu spremu ili najmanje završen I ciklus bolonjskog visokoobrazovnog procesa sa 240 ECTS bodova;
- d) da ima najmanje stručno zvanje mentora;
- e) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na javni konkurs;
- f) da se na njega ne odnosi član IX. 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovala naredbi da se pojave pred Tribunalom);

g) da nije osuđivan za krivično djelo i privredni prijestup nespojiv sa obavljanjem dužnosti direktora/direktorice;

h) da nema privatni finansijski interes u školi u kojoj se kandiduje za direktora/direktoricu;

i) da nije lice koje boluje od zarazne ili duševne bolesti;

j) da nije alkoholičar, odnosno ovisnik o narkoticima;

k) da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više;

l) da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH" br. 70/08) i Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" br. 12/03, 34/03 i 65/13) kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22- Ispravka i 52/22- Ispravka);

m) da nije lice razriješeno dužnosti direktora/direktorice zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora/direktorice;

n) za direktora Škole ne može ponovo biti izabrano lice koje je u istoj školi birano četiri puta na poziciju direktora ili pomoćnika direktora/voditelja dijela nastavnog procesa;

II - SADRŽAJ PRIJAVE

Kandidati su dužni dostaviti sljedeću dokumentaciju (original ili ovjerenu fotokopiju):

1. Svojeručno potpisanu pisanu prijavu na javni konkurs sa kontakt podacima i tačno navedenom dokumentacijom koja se prilaže uz prijavu na javni konkurs;

2. Kraću biografiju – CV;

3. Diplomu o stečenoj stručnoj spremi;

4. Izvod iz matične knjige rođenih;

5. Uvjerenje o državljanstvu (ne starije od šest mjeseci od dana objavljivanja konkursa);

6. Uvjerenje o položenom stručnom ispitu;

7. Rješenje o sticanju višeg stručnog zvanja;

8. Potvrdu/uvjerenje o radnom stažu na poslovima u nastavi ili pedagoško-psihološkim poslovima ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa);

9. Izjavu ovjerenu od strane nadležnog općinskog organa kojom kandidat potvrđuje da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na Javni konkurs;

10. Izjavu ovjerenu od strane nadležnog općinskog organa kojom kandidat potvrđuje da se na njega ne odnosi član IX. 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovale naredbi da se pojave pred Tribunalom);

11. Izjavu ovjerenu od strane nadležnog općinskog organa kojom kandidat potvrđuje da nije osuđivan za krivično djelo i privredni prijestup nespojiv sa obavljanjem dužnosti direktora škole;

12. Izjavu ovjerenu od strane nadležnog općinskog organa kojom kandidat potvrđuje da nema privatni finansijski interes u školi u kojoj se kandiduje za direktora;

13. Izjavu ovjerenu od strane nadležnog općinskog organa kojom kandidat potvrđuje da nije lice koje boluje od zarazne ili duševne bolesti;

14. Izjavu ovjerenu od strane nadležnog općinskog organa kojom kandidat potvrđuje da nije alkoholičar, odnosno ovisnik o narkoticima;

15. Izjavu ovjerenu od strane nadležnog općinskog organa kojom kandidat potvrđuje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više;

16. Izjavu ovjerenu od strane nadležnog općinskog organa kojom kandidat potvrđuje da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH" broj. 70/08) i Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" br. 12/03, 34/03 i 65/13) kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22- Ispravka i 52/22- Ispravka);

17. Izjavu ovjerenu od strane nadležnog općinskog organa kojom kandidat potvrđuje da nije lice razriješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora;

18. Izjavu ovjerenu od strane nadležnog općinskog organa kojom kandidat potvrđuje da nije lice koje je u istoj školi birano za direktora Škole četiri puta na poziciju direktora ili pomoćnika direktora/voditelja dijela nastavnog procesa;

Datum i izjave navedene u prethodnim tačkama od 9. do 18. ne mogu biti stariji od tri mjeseca od dana prijavljivanja na Javni konkurs.

NAPOMENA: Uvjerenje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona može izreći kazna zatvora u trajanju od tri mjeseca i više, te uvjerenje da nije osuđivan za krivično

djelo i privredni prijestup nespojiv sa obavljanjem dužnosti direktora (ne starije od tri mjeseca), bit će pribavljeno po službenoj dužnosti za izabranog kandidata, prije imenovanja.

Ljekarsko uvjerenje izdato od nadležne zdravstvene ustanove (kao dokaz opće zdravstvene sposobnosti) koje nije starije od šest mjeseci, izabrani kandidat dostavlja Školi nakon imenovanja direktora škole a prije potpisivanja ugovora o radu.

III - KONKURSNI ROK

Javni konkurs ostaje otvoren 15 dana od dana posljednjeg objavljivanja.

Javni konkurs se objavljuje dana 09.09.2026. godine u dnevnom listu "Oslobođenje" i na službenoj internet stranici Ministarstva za odgoj i obrazovanje Kantona Sarajevo.

Krajnji rok za dostavu dokumentacije je 24.09.2026. godine.

IV –VRIJEME ZA KOJE SE VRŠI IMENOVANJE I ROK ZA OBAVJEŠTAVANJE KANDIDATA O REZULTATIMA KONKURSA

Direktor škole će se imenovati na mandatni period od četiri godine. Školski odbor će u roku od osam dana od dana donošenja odluke o imenovanju direktora, o navedenoj odluci u pisanom obliku obavijestiti sve kandidate koji su se prijavili na Javni konkurs.

V - DOSTAVA PRIJAVE I DOKAZA O ISPUNJAVANJU USLOVA

Svojeručno potpisanu pisanu prijavu sa traženom dokumentacijom kandidati dostavljaju poštom preporučeno na adresu: Javna ustanova Osnovna škola „Grbavica I“ Sarajevo, ulica Grbavička 14, 71 000 Sarajevo ili lično sekretaru škole u zatvorenoj koverti sa naznakom „Prijava na javni konkurs za izbor direktora škole - ne otvaraj (Otvara komisija)“.

Procedura izbora i imenovanja direktora škole će se obaviti u skladu sa Pravilnikom o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, broj: 2/18, 32/18 i 30/19).

NAPOMENA: Nepotpune i neblagovremene prijave neće se uzimati u razmatranje.

**ŠKOLSKI ODBOR
JAVNA USTANOVA OSNOVNA ŠKOLA „GRBAVICA I“ SARAJEVO**